

ՀԱՂՈՐԴՈՒՄՆԵՐ

Գ. Ազնավուրյան

Մ. ՆԱԼԲԱՆԴՅԱՆԸ Հ. ՀՈՎՀԱՆՆԻՍՅԱՆԻ ԱՆՏԻՊ ՍՏԵՂԾԱԳՈՐԾՈՒԹՅՈՒՆՆԵՐՈՒՄ

Բանաստեղծ Հովհաննես Հովհաննիսյանին խորապես հուզել է Միքայել Նալբանդյանի փոթորկալի կյանքը և ուղղություն գործունեությունը: Նա, դեռևս պատանի հասակում, ոչ միայն հասկացել և բարձր է գնահատել Մ. Նալբանդյանին, այլև առանձին հոգվածով, ուսու ընթերցող հասարակայնությանը ծանոթացրել է 19-րդ դարի հայ գրողներին, որոնց թվում իր հայրենիքի ազատության և փրկության համար մարտնչող մեծ հրապարակախոսին:

Հ. Հովհաննիսյանն իր հուշերից մեկում վկայում է, որ 80-ական թվականներին Հազարյան ճեմարանում լույս էին տեսնում ուսանողական թերթեր, որոնցից մեկը իր գաղափարներով հետևում էր «Հյուսիսափայլ»-ի ուղղությունը:

Հ. Հովհաննիսյանը, խանդավառված Մ. Նալբանդյանի գաղափարներով, նրան նվիրել է մի քանի բանաստեղծություն:

Այս բանաստեղծությունները գրված են 80-ական թվականներին և մինչև այժմ մնացել են անտիպ, չնայած դրանք մեծ արժեք են ներկայացնում թե՛ Հ. Հովհաննիսյանի ստեղծագործության և թե՛ Նալբանդյանի նկատմամբ նրա ունեցած վերաբերմունքի բացահայտման տեսակետից: Նկատի ունենալով այդ, ստորև բերում ենք վերոհիշյալ բանաստեղծությունները.

Առաջին բանաստեղծությունը գրված է 1880 թ. մայիսի 28-ին, Մոսկվայում, անվերնագիր է.

Ծակատրդ պայծառ դարբնով պսակած
Զքնաղ Մուղայի թևերի տակին
Հանգար դու, հանճար, մեզանից մոռցված,
Զոհ քո բարեմիտ ցանկություններին:
Դու «Ազատություն» ձայն էիր տալիս
Հայրենակցացրդ, թոթափել շղթան,
Դեմ տալ հարվածին, հեռու խավարից —
«Ողջո՛ւյն լուսաբեր շողդ առավոտյան»...
Դու ազատ, իբրև արտուտ օղապար,
Մոռյալ երկնքում քո սուրբ հայրենյաց
Հեռատես գոչում էիր անդադար,
Թե մոտ է այգր ազատ փլատակաց...
Բայց վանդակապատ դու խավար խորչում
Օտար աշխարհում աչերդ փակեցիր.
Թույնը մահաբեր քո ազատ սրտում,
Ամբոխից մնացած խեղճդ անկարեկիր:

Երկրորդ բանաստեղծության մեջ (գրված 1883 թ. մարտի 9-ին, Մոսկվայում) Հովհաննիսյանը դարձյալ խոսում է ազատության անվահեր գինվորի առնական ոգու, անընկճելի կամքի և նրա հրադաժ ազատ հայրենիքի մասին.

Առաջին գոծ.

Հուսաբեկ, մաշված ընկած է բանտում
 Խոնավ, գարշահոտ գետնի վրա, մենակ,
 Եվ կուրծքն առնացի ուժգին բաբախում,
 Եվ շրջան արյունն առնում է արագ:
 Տանեցին նորան, կիսամեռ արին,
 Բայց կամքն երկաթի ընկճել չկարացին.
 Ո՛չ կին, ո՛չ զավակ զբաղում են նորան,
 Այլ յուր գաղափար նախկին սրբազան:

Եվ նա քուն չունի, ոչ հանգիստ բնավ,
 Եվ կատաղում է և գառն ժպտում...
 Նորա սրտումը նույն վիշտը, նույն ցավ,
 Նույն փոթորիկն է, հանդուգն զարթնում.
 Եվ նորա բորբոք մտածողության,
 Սիրած պատկերն է կենդանացնում,
 Եվ ահա՛ աղատ չքնաղ հայրենիք,
 Ապա շարատանջ հայր երջանիկ...

Բայց այդ ցնորք է, և նա այդ գիտե.
 Ստրու՞կ է հայր, լքյա՞լ, անտերունչ,
 Եվ մինչ մեծատունն անհոգ օր անցնե
 Հայ գեղջուկն յուր լուծ պիտ կրե անմոռնչ:
 Վայրագ բռնության զոհը մութ խորշում
 Ապարդյուն ազնիվ յուր ույծն է մաշում.
 Իսկ դո՛ւ, աղգասե՛ր մեծամիտ խոսքի,
 Սպասում ես երկնից նոր մանանայի:

Երրորդ բանաստեղծության մեջ (գրված 1886 թվականին, Նալբանդյանի մահվան 20-ամյակի առթիվ) Հովհաննիսյանը դարձյալ խոսում է Նալբանդյանի ունեցությունն ոգու և անձնագոհ բնավորության մասին, նշավակելով նրա նենգ ու դավադիր թշնամիներին:

Երբ նա դեռ նոր էր լույս աշխարհ տեսել.—
 Դառն աշխատության, կարիքի զավակ,—
 Ավանդ ստացավ՝ սիրել և գործել
 Ճակատին ծանր խաչի նշանակ:
 Եվ նա մեծացավ և կյանքը մտավ
 Եվ հավատարիմ մնաց յուր խաչին,
 Հանդուգն լուղորդ՝ ալյաց մեջ ընկավ,
 Մրցում էր դիմում փրկության ափին:
 Աներկբա մտքով, հավատող հոգով,
 Քարոզում էր յուր խաչի քաղցրություն
 Ինչպես խարազան երկաթի խոսքով
 Նա հալածում էր շահ ու բռնություն:
 Բայց շարաճճի քուրմերը ուժի
 Մահաթույն լեղի արբուցին նորան,
 Կարմիր երկաթով նշանը խաչի
 Ջնջեցին պայծառ ճակատի վրան...
 Եվ հավատարիմ յուր կոշման մեռավ,—
 Սուրբ ճշմարտության անբիծ նահատակ,—
 Իսկ սիրո նշանն անմահ դրոշմվեցավ
 Շատերի սրտում մեկի փոխանակ...

Բերված անտիպ բանաստեղծությունները աներկբա են դարձնում Հ. Հովհաննիսյանի դրական և ջերմ վերաբերմունքը հայ նշանավոր հրապարակախոսի նկատմամբ: